

## **De Iustitia Et Iure ceterisq[ue] Virtutibus Cardinalibus**

**Lessius, Leonardus**

**Antverpiæ, 1632**

6 Vtrum promissio vel donatio interna obliget ante acceptationem, &  
quomodo acceptanda dum fit absenti.

---

[urn:nbn:de:hbz:466:1-72459](#)

*Pacta, que contra leges constitutionesque, vel contra bonos mores fiunt, nullam vim habere, indubitate Iuris est. Idem colligitur ex L. Stipulatio hoc modo. 6.1. n. de verb. oblig. Contra leges ea dicuntur fieri, in quibus promittitur aliquid quod leges prohibent, ut homicidium, furtum. Contra bonos mores fiunt, per quae datur occasio iniquè agendi, ut in exemplis in. 13. vel impeditur illi mores, quos expedit esse in Rep. benè instituta. vide Siluest. v. Paetum. n. 8. & 11. & Molinam disp. 27.1.*

*25 Aduerte tamen, eti promissiones & pacta que dicuntur esse contra bonos mores, sint per se irrita, tamen si accessit iuramentum, esse seruanda; vt docet Siluest. v. Paetum. n. 11. Omne enim iuramentum seruandum est, nisi sit de re illicita, vel contra leges, vel alia ratione contra bonum publicum, vt supra cap. 17. dub. 7. n. 54. ostensum est.*

*Nec obstat, quod haec pacta dicantur esse contra bonos mores, iuramentum autem contra bonos mores præstatum non sit obligatorium, vt habetur c. Non est obligat. 58. de regulis Iuris, in 6. quia vt Silvester ait, non sunt contra bonos mores*

*26 naturales, (de quibus intelligenda est ista regula) sed ciuilis; id est, non sunt contra virtutem, ita vt res promissa sit peccatum, sed possunt incommode moribus, quos expedit esse in Republica. Hoc modo pactum, quod filia, dum nuptui traditur, cum patre init, vt dote contenta, nullum ad bona paterna regressum habeat, est contra bonos mores, & irritum Iure ciuili; tamen iuramento confirmatur, vt constat cap. Quamuis paetum. de pactis, in 6. & promissio usuriarum est contra bonos mores; quia occasionem præbet exigendi usuriarum; tamen impleri debet, si iuramentum accedat.*

*27 cap. Debitorum. de iureiurando. Poteſt tamen in huiusmodi pactis per dispensatio iuramentum ab Episcopo, si in illis aliqua iniuria intercessit, & tunc promissione non seruati. vt supra cap. 17. dubit. 7. dictum est.*

## D V B I T A T I O V.

*Vtrum promissio, vel donatio interna obliget nos homini.*

*28 Non obligat nos homini. R Eſpondeo & Dico Primò, Eſti promissio vel donatio purè interna, facta Deo, obliget nos Deo cordium inspectori non tamen facta homini, obligat homini, eſt communis sententia DD.*

*29 Sed difficultas eſt, Vtrum id proueniat ex solo Iure positivo, an ex Iure naturali. Quidam putant id prouenire ex solo Iure positivo, consistendo enim intra limites Iuris naturalis, talem actum inducere veram obligationem. Ita Ledesma in 4. p. 2. q. 18. a. 1. dub. 13. & inclinat Sotus lib. 7. q. 1. art. 2. Molina disp. 266. Probari potest Primò, Quia promissio interna addit aliquid supra nudum propositum, ergo magis obligat. Secundò, Actu interno, quo quis non vult amplius rem habere in bonis suis, potest amitti posſeffio & dominium: ergo etiam causari obligatio erga alterum. Tertiò, Tota vis obligandi promissionis & donationis eſt à voluntate interna: ergo haec sufficiens eſt ad obligandum, confirmatur, quia expressio exterior non eſt necessaria, niſi vt possit cognosci & acceptari ab altero: atqui haec acceptatio Iure natura non eſt necessaria. Hęc sententia eſt probabilis.*

*Eſt probabiliſ.*

Dico Secundò, Probabilis tamen videtur, promissionem donationemque internam Iure natura eſt insufficientem & inqualidam ad obligandum. colligitur ex D. Thoma q. 88. art. 1. vbi dicit, promissionem vnius hominis non posse alteri fieri niſi per signa externa, Deo autem posse fieri per interna cogitationem. Idem tenent paſsim Thomistæ, ratio eſt, quia promissio & donatio ſunt signa quædam practica, efficientia id ipsum quod significant, qui enim dicit, Promitto tibi, Do tibi, non ſolum significat internam cogitationem & effectum dandi; ſed etiam ipſum actum donationis & promissionis, qui in hiſce verbis ſub tali intentione prolatis, formaliter conſiftit; & effectum eius, ſcilicet obligationem, quæ naſcitur in promittente, & ius, quod naſcitur in promiffario. Quare cū actus interni non ſint idonea signa ad alteri ſignificandum, non ſunt etiam instrumenta ad ſe alteri obligandum: nam hec aptitudō fundatur in ſignificatione ad alterum. Si tamen alter poſſet cognoscere internas cogitationes, ſicut poſſunt Angeli, quando ad eos diriguntur; tunc per actum internum optimè poſſet donatio & promissio fieri. Accedit, quod talis promissio non ſit acceptata, quod tamen neceſſarium eſt ad obligationem, vt statim dicetur. ſub hac enim tacita conditione fieri conſeretur.

Ad primum Respondeo, Interna promissio adit ſupra propositum aliquam inchoationem promissionis, quæ tamen adhuc eſt insufficientis ad cauſandam obligationem.

Ad secundum, Eſti poſſeffio & dominium poſſint amitti actu interno, vt cū res habetur pro derelicto; non tamen transferri in alterum: ad hoc enim plura requiruntur. facilius enim eſt aliiquid definire, quām incipere eſt, aut in altero produci. vnde nec ius alteri dari per internam promissionem poſſet.

Ad tertium, Eſti tota vis obligandi ſit à voluntate, tamen voluntas non poſſet eam immediatè in homine cauſare abſque actu extero, tamquam instrumento; alioquin hoc ipſo quo interius vellem, alter haberet tu in omnia bona mea, nec poſſem ea alteri date vel retinere. hinc fit, vt etiam iurisdictio ſine actu extero dari nequeat, vt communiter Theologii docent. Ad confirmationem. Non tantum idē requirunt externa signa, vt alteri ſignificetur voluntas donandi, ſed etiam vt ipsa donatio & promissio per illa fiat, vt dictum eſt.

## D V B I T A T I O VI.

*Vtrum promissio vel donatio externa obliget ante acceptationem, & quomodo acceptanda dum fit absentia.*

*R Eſpondeo & Dico Primò, Promissionem ante acceptationem ordinariè nullam parere obligationem naturalem aut ciuilem. eft communis sententia Doctorum, teste Gomezio to. 2. c. 9. n. 1. & seqq. & pater L. 1. n. de pollicitationibus. Idem dicendum de donatione, vt ex communis sententia Doctorum docet idem Gomez. tom. 2. cap. 4. n. 3. & colligitur apertè ex L. Absenti. 10.*

34

T 2

w. dc

Potest re-  
noscari.

*πτ.* de donat. & L. Nec ambigi. 6. C. eodem. Vnde sequitur, ante acceptationem semper reuocari posse: quod tum ex predictis Iuribus, tum ex aliis clare deducitur, vt L. Multum interest. 6. C. Si quis alteri, vel sibi. & L. Si pater. 4. π. de manu- missis vindicta.

Idem in omnibus aliis contractibus locum habet. L. Contractus. 16. C. de fide Instrumentorum. & alibi. Ratio est, quia obligatio non nascitur nisi mutuo duorum consensu. L. 1. π. de pactis, quare priusquam alterius consensu accedit, prior potest poenitere, & suam oblationem reuocare.

35  
*An valens  
mortuo do-  
natario.*

Ex his patet Primo, Mortuo donatario ante acceptationem, invalidam esse donationem: quia amplius acceptari nequit.

Dices, Poterit acceptari ab heredibus.

Resp. Ex rigore Iuris non posse; quia ad illos directa non fuit. videtur tamen posse ex quadam sequitate, quia heredes personam defuncti representant: & presumendum est, eam esse mentem donatoris, vt si defunctus beneficio eius frui non posset, heredibus illius prodebet; nisi de contrario constet. quod intellige, si illi heredes sint liberi: secus si extranei.

*An mortuo  
nuntio.*

Secundo, Quando donatio defertur per nuntium, si coniungat illum mortuus ante insinuationem vel traditionem, confutetur tacite reuocata: quia per mortem mandatarij soluitur mandatum. L. 57. Mandatum. π. mandati. vnde consensus donatoris, qui illi commissus & per illum deferendus erat ad donatarium, quasi euaneat: quo fit ut duorum consensu non possint concurrere.

Hoc tamen intellige, si nuntio commissus erat vt verbis & traditione reali rem perageret: secus si solum litteras deferendas habuit. ha enim si ad manus donatarij peruenient, sufficiunt ad donationem insinuandam vel defertandam. vnde ipse vicissim per litteras poterit eam acceptare.

36  
*Quadam  
pollicita-  
tiones obli-  
gant.*

Dixi ordinarii, quia a Doctoribus excipiuntur quadam pollicitationes, quae obligant ante acceptationem; nempe quae sunt ciuitati, vel Vniuersitati, vel Ecclesiæ, vel hospitali. In Iure tamen non inuenitur expressè, nisi de promissione facta ciuitati ad instaurandas ruinas, vel ob honorem ab ea receptum aut recipiendum, vel ad opus aliquod faciendum, si hoc opus iam sit inchoatum: de quibus π. de pollicitationibus, pertinet. Verum Doctores id extendunt ad promissiones iam dictas: quia promissiones & donationes ad pias causas, videntur æquari donationibus & promissibus factis ciuitatibus, si priuilegia spectent. vt pater L. Illud. 19. & L. Vt inter 23. C. de sacrosanctis Ecclesiis.

37  
*An Iure  
nature re-  
queratur  
acceptatio.  
Contra sen-  
tentia non  
requiritur.*

Sed difficultas est, vnde proueniat quid ex promissione & donatione, ante acceptationem non oriatur obligatio. Quidam putant id prouenire ex solius Iuris positivi dispositione; nam consistendo intra limites Iuris naturalis, sufficere consensus ad obligationem. Ita Couarruuias in caput Quamvis pæctum. p. 2. §. 2. num. vlt. Molina disp. 263. Probatur Primo, Quia ex pollicitatione facta ciuitati oritur obligatio: ergo hic actus natura sua ad hoc est sufficiens. consequens patet; quia Ius ciuale non tribuit contractibus maiorem vim quam natura sua habeant; quamvis interdum ob bonum commune illis vim, quam per se habent, adimat. Secundo, Quia in gratuitis promissionibus acceptatis, obligatio non oritur

ex acceptatione, sed ex gratitudo promissione, quæ non expectat obligationem reciprocum.

Hæc sententia est probabilis; & ex ea sequitur, 38 promissiones & donationes ad piis causas esse Donatio- validas ante omnem acceptationem: quod tener *nes ad causas* *fasprias.*

Felinus in cap. 1. de pactis, n. 7. citatque pro se Bartolum, Baldum, Panorm. & alios, ratio est, quia Iure naturali sunt validæ, & Iure ciuili non sunt redditæ in validæ: nam leges ciuiles, quæ irritas reddunt tales promissiones & donationes, non habent vim in piis causis, eò quod Iure Canonico (ad quod ea res pertinet) non inueniantur approbatæ. Sed contraria sententia videtur esse communior Doctorum, vnde

Dico Secundo, Verius videri, quod promissio & donation non habeant vim obligandi ante acceptationem, id prouenire non tantum ex Iure ciuili, sed etiam ex Iure naturali, vel Iure gentium. unde vt habeant vim absolute obligandi, Iure gentium requiri acceptationem. Probatur Primo, Quia in contractibus oneriosis ante acceptationem licitum est ubique gentium pœnitere & reuocare suam oblationem; vt patet in contractu emptionis, sponsalium, matrimonij, & aliis: nec opus est expectare donec alter acceptet vel reicit: ergo idem licitum erit in promissionibus & donationibus gratuitis, nisi lex positiva adimit hanc potestatem. Secundo, Sicut promissio vel oblatio onerosa, qua quis se obligat, habet tacitam conditionem, nempe, *Si alter viciſſim se velit obligare;* ita etiam promissio & donation habent tacitam conditionem, *Si acceptentur:* nam vt L. Qui absenti., 8. π. de acquirendi vel amitti. posse dicuntur, *Qui promittit vel donat, non videret animum se obligandi habere,* donec alter acceptet. ergo sicut ibi conditione nondum impleta, potest reuocare oblationem; ita & hic. Tertiò, *Quia ex contraria sententia sequitur, cum, qui apud se, nemine audiente, diceret, Promitto vel do Ioanni i o. teneri manifestare hanc suam donationem Ioanni an velit acceptare, nec posse pœnitere.* quod tamen videtur durum, & credibile nullum gentium vistitum.

Ad primam rationem Respondeo, Ius ciuale non efficeret vt pollicitatio facta ciuitati vim habeat absolute ante acceptationem; (nil enim tale colligi potest ex ylla lege toto titulo de pollicitationibus) sed ne possit reuocari pro libito, sicut ex natura rei posset: vt patet ex L. 3. eodem intentio. vnde fit, vt talis promissio semper possit acceptari, & promissum peti: quia petitio videret necessaria vt tenearis soluere, vt iisdem legibus indicatur. Nec tenetur promissor eam ciuitati insinuare: nulla enim lex id præcipit. Idem dicendum videtur de pollicitationibus ad causas pias: nisi ex intentione promittentis vim habeant voti: nam tunc sponte solvi debent. Itaque ex pollicitatione omni, nascitur quadam obligatio veluti conditio- nata & suspenſa, donec acceptetur, vel reuocetur; quam reuocationem Ius posituum potest impedi- dire, vnde tunc Ius ciuale non tribuit propriè pollicitationi vim, quam Iure naturali vel gentium non haberet, sed impedit ne possit reuocari.

Ad secundam, Obligatio non oritur ex acceptatione tamquam ex causa directa, sed tamquam ex conditione sine qua non. sicut enim ignis est sufficiens causa calcinationis aquæ, tamen non potest ex eo nasci calefactionis aquæ, nisi aqua debito modo appli-

39  
*Verius est.  
Iure gen-  
tium re-  
quiri ac-  
ceptationem.*

applicetur; ita promissio est sufficiens causa obligacionis, & iuris in altero, si alter eam acceptet: quia acceptatio est velut conditio necessaria, ut promissio vim exerat, iusque tribuat.

<sup>42</sup>  
Altera pars.  
De modo acceptandi, quando facta absenti.

Debet insinuari per nuntium velepiostam.

Quod ad alteram partem huius dubitationis, quae est de modo acceptandi, seu quid requiratur, ut donatio facta absenti, validè possit acceptari, attinet; dicendum est, Primo requiri, ut donator absenti per epistolam, vel nuntium, cui id commiserit, eam deferat, vel insinuerit, id enim necessarium est, vt duorum voluntates in unum concurrant; vt colligitur L. Absenti. 10. 1. de donationib. & L. 1. 1. de contrahenda emptione. Vnde si alius quispiam præcurreris, cui id mandatum non fuit, donationem illi insinuet, non sufficit ut validè acceptari possit; quia est communis sententia DD. ut referrat Clarus lib. 4. §. Donatio. q. 12. & colligitur ex Glossa in L. Necambigi. 6. C. de donationibus. Ratio est; quia cum promissor non intendat per hunc hominem, suum consensum & obligationem in alterum dirigere, non potest alterum acceptando, aliquid iuris acquirere. nam cui nihil validè offertur, nihil etiam potest validè acceptare. Cum autem ipse nuntium mittit, tunc in verbis nuntij suum consensum & obligationem ponit, vt per eum ad absentem deferatur: & sic dum absens coram nuntio acceptat, duorum consensus concurrunt; quod ad rationem pacti est necessarium, ut dictum est dubit. 1. cap. 17.

<sup>43</sup>  
Debet acceptari coram nuntio, si per nuntium offeratur.

Secundò, Si donatio per nuntium deferenda vel facienda est absenti; requiritur ut hic eam coram nuntio acceptet: nec sufficit eam acceptare coram aliis; vt ex multis Autoribus ostendit Sancius lib. 1. de Matrimonio, disp. 7. n. 35. Ratio est; quia alioquin duorum consensus non concurrunt, nec vicissim innoteſcant. Quam ob rem acceptatio debet exprimi illi qui eam offert, id est, ipsi promittenti, vel eius nuntio, cuius locum supplet. Hoc ipso enim, quo aliquis destinatur ad absentem, ut offerat ei promissionem alterius, constituitur etiam ad recipiendam eius acceptationem; vel, si promissio sit onerosa, eius reprobationem.

Vnde sequitur, Non videri veram sententiam Silvestri v. Matrimonium. 5. qu. 12. & quorundam aliorum, qui docent, quando matrimonium contrahitur per nuntium vel litteras, sufficere ut absens exprimat consensum suum aliis. debet enim consensus absensis exprimi illi qui eum petit, & qui sub conditione illius sibi dependendi, in alterum consentit; nisi constet, aliam esse promittentis mentem. Quod addo; quia non est de essentia contractus, ut consensus absensis, cum quo contrahis, tibi innoverit. Si enim mens tua est, ut statim contractus valeat posito alterius consensu, etiam antequam tibi innoteſcat, statim valebit. hoc tamen non præsumitur, nisi clare sit expressum.

Si vero per litteras promissionem tuam absenti obtuleris; ut acceptatio eius sit valida, ita ut retrocedere nequeas, requiri, ut ea tibi vicissim per litteras, vel per nuntium ad te missam, innoteſcat. Ita Sancius suprà. Probatur Primo, Quia requiritur acceptatio exterius expressa, ita ut promissor eam possit intelligere. Deinde, quia alioquin non concurrent consensus duorum in unum. Denique, quia antequam tibi innoteſcat consensus alterius, potest ille suum consensum reuocare: ergo & tu

potes tuum. quod maximè locum habet in promissionibus respectiuis, quæ requirunt reprobationem. haec enim omnes hanc tacitam conditionem habent, Si is cui promittis, viciſſim reprobmittat, ſeſequē obliget: quod fit signo extero ad promiffore direc̄to. In gratiis tamen promissionibus vel donationibus, non puto necessarium ut litteræ acceptationis vel nuntius ad donatorem peruenient: quia non tanti intereat eum, qui gratis donat, ſcire suam donationem acceptan, quam eum, qui ſub onere aliquid offert, & reprobationem expectat, nosſe, alterum reprobmittere. cuius ſignum eft, quod donator non ſit multum de eo cognoscendo follicitus. Secūs vero in eo, qui contradictum onerosum init. Denique qui gratis donat, non videtur beneficium ſuum ad hoc velle restringere, ut non habeat vim, niſi litteras de acceptatione accéperit: ſed potius cupit illud, ſimilatque debito modo acceptatum fuerit, efficax eſſe.

Tertiò, Requiritur ut non reuoces donationem ante acceptationem. Si enim reuoces, & nuntio, quem innoteſcat, non potest quidquam confiſcere. L. Si vero. 12. §. Si mandauero. 1. Manda-<sup>44</sup>  
<sup>Si reuoces  
confiſcere. L. Si vero. 12. §. Si mandauero. 1. Manda-  
tio. quia extinctum eft mandatum, ut ibidem dicitur,  
ac proinde omnis potestas inſinuandi, vel traden-  
di, ei adempta. Si autem non innoteſcat ante ex-  
ecutionem, tunc diſtinguendum eft: vel enim ille  
ſe habet ſolum inſtar nuntij, referentis alterius  
donationem, aut rem tradentis; vel habet man-  
datum faciendo donationem. Si priore modo ſe  
habeat, facta reuocatione, nihil fit: quia deſt omni-  
nino conſenſus ex parte donantis. ille enim nun-  
tius ſolum habet officium inſinuandi vel tradendi;  
non autem tribuendi aliquid iuris. Si secundo  
modo, valent eius acta, non quidem ad tranſe-  
rendum dominium; ſed ad tribuendum donata-  
rio ius ad rem, & donatori iniiciendam obliga-  
tionem ad conſenſum. Colligitur L. Si mandau-  
rem. 15. & L. 26. Inter causas. 1. Mandati. Tene-  
tur enim mandator ratum habere, quod ex vi  
mandati, bona fide, eius nomine geſtum eſſe. Vide  
Gomeziū tom. 2. cap. 4. num. 3.</sup>

Potes, Utrum post mortem donatoris possit do-  
nationem validè acceptari?

Resp. Primo, Quando ipſa donatio ante mor-  
tem facta eft ex parte donatoris, & miſſa epiftola  
vel nuntius, qui illam absenti inſinuet, vel rem  
tradat; ſi contingat donatorem moriantem inſinua-  
tionem, verius eft illam nihilominus validè acce-  
ptari poſſe. Ita docet Sancius lib. 1. de Matrimonio.  
disp. 6. n. 5. & Molina Iureconsultus lib. 4. de pri-  
mogen. cap. 2. num. 77. Ratio eft; quia donatio  
illa, ex parte donantis fuit valida, etiā reuocabili-  
lis; ut expreſſe habetur L. Necambigi. 6. C. de dona-  
tio. & maner virtute imprefſa litteris vel nuntio,  
ut ad donatarium tranſeat. Vnde perſeueraſt post  
mortem; ac proinde potest tunc acceptari. Con-  
firmatur Primo, Quia donatio mortuo donatore  
non poſſet reuocari per heredem, etiam ſi non  
dium ſit acceptata, ut paſſim docent DD. Couarr.  
lib. 3. variar. c. 14. n. 17. Iulius Clarius §. Donatio.  
qu. 13. in fine, & alij. quod eft ſignum, illam poſſe  
validè acceptari poſt mortem. quorsum enim  
adempta heredi potestas reuocandi, ſi non poſſet  
acceptari? Conſirmatur Secundò, Quia donatio  
eſt gratia quædam: quando autem gratia facta eſt  
ex parte concedentis; potestas executoris non ex-  
pirat morte concedentis, ut expreſſe dicitur

cap. Si super gratiam, 9. de offic. delegati, in 6. Contraria tamen sententia est plurimorum Doctorum, vt ostendit Sancius: quorum fundamen-tum est: quia mandatum morte mandantis soluitur. Verum hic non est propriè mandatum donandi, sed donatio ipsa, vi dictum est. Itaque illa ratio ad aliun casum pertinet. Vnde

<sup>46</sup> Dico Secundò, Quando donatio ante mortem Si solum sit donatoris non est facta ex parte ipsius, sed solum mandata, mandata fieri; vt si misericordia per nuntium vel procuratore, cum mandato vi suo nomine det absenti: tunc si ante quam ille munere suo fungatur, contingat donatorem mori, non potest donatio validè acceptari. Vnde res illa restituenda est hereditibus donatoris. Ratio est: quia ante mortem donatio facta non fuit, sed solum datum fuit mandatum donandi. mandatum autem morte mandantis expirat, vt habetur d. L. 26. Inter causas. π. Mandati. Vnde procurator ille non potest donationem nomine sui mandatoris facere; & si fecerit, erit nullius momenti: ac proinde etiam acceptatio. Hoc tamen intelligendum est, nisi mandatum fuerit in fauorem pia cauæ; quia istud morte mandantis non expirat, vt notar Molina ex Couarruia lib. 1. variar. cap. 14. num. 16. vnde etiam post mortem est exequendum. cuius ratio est: quia quisque præsumitur ita tacite voluntate in vita, cum opera pietatis tunc maximè homini sint necessaria. Confirmatur ex L. Sipater. 4. π. de manu. vind. vbi mandatum de manumittendo seruo non expirat morte mandantis, fauore libertatis: ergo multò magis idem dicendum fauore pia cauæ, & salutis animæ.

Hinc sequitur, Si culpa nuntij donatio non fuerit tempestuè ante mortem donantis facta, ipsum teneri ad duplē restitucionem: nam hereditibus defuncti tenetur ratione rei, quæ tunc illorum est; donatario ratione damni, quod eius culpa contraxit, vt rectè norauit Molina disp. 263. posito enim tali mandato, tenebatur nuntius lege iustitia adhibere diligentiam, & mandatum ex mente mandantis in commodum donatarij implere.

Aduerte tamen, quosdam sentire, mandatum donandi non expirare morte donatoris, eò quod sit gratia quedam. ita Emanuel Sà v. Donatio. num. 21. & v. Mandatum, num. 2. quæ sententia est probabilis: & iuxta illam non tenebitur nuntius ille hereditibus, sed sibi donatario.

### DUBITATIO VII.

Qui possint promissionem vel donationem absenti factam acceptare: siue, vt Iurisperiti loquuntur, Qui possint pro absente stipulari.

<sup>47</sup> R Esondeo, Primo id potest omnis qui altero generalem vel speciale habet commisionem.

Secundò, Is qui est sub alterius potestate, ita vt non sit sui iuris, vt filius familiæ pro patre, seruus pro domino, Religiosus pro Prelato. Ratio est, quia censetur una persona, non tamen famulus mercennarius pro suo domino, aut subditus pro Principe, quia sunt sui iuris. Vnde Instit. de inutilibus stipulationibus. §. Si quis alij dicitur, Si quis alij, quam

ecclias iuri subiectus sit, stipuletur, nihil agit.

Tertiò, Qui aliorum curam gerunt, vt tutor pro pupilo, curator pro furioso. Item Princeps pro subdito: quia cum hic alteri possit facultatem facere stipulandi pro altero, multò magis ipse eam habet. Item Notarius publicus, præterim si de eo conficiat Instrumentum, de quo vide Couarruia lib. 1. variar. cap. 14. num. 11. & deinceps. Hoc tamen de Notario solum in Iudicio locum habere, multis testimonio ostendit noster Sanctius lib. 1. disput. 7. num. 11.

Quartò, Is, qui ex donatione vel promissione facta absenti, comodum reportat, vel onere aliquo liberatur, vt pater. Sed & si quis. Institut. de inutilibus stipulationibus: vt creditor pro debitor, socius pro socio, vxor pro marito: vel si pœna sit adiecta in fauorem præsentis, de quo vide Couarr. in cap. Quamvis pactum. p. 2. §. 4. num. 5.

Quinto, Quius priuatus potest stipulari & acquirere Ecclesie, prie cauæ, iuxta Glossam communiter receptam in cap. Quoties cordis. 1. q. 7. de quo Couarruia suprà. n. 14. Ad hos reduci possunt omnes, quos refert Glossa in §. Si quis alij. Institut. supra. Prater hos autem nemo potest lice communis validè pro absente stipulari seu acceptare promissionem in fauorem absenti factam, ita vt inde nascatur aliqua stricta obligatio. Ratio est: tunc quia iura resultant tali stipulationi, eamque irritam reddunt, vt pater d. §. Si quis alij. & L. 126. Si ita stipulatus. §. Chrysogonus. π. de verb. oblig. Tum quia promissio facta alicui, cuius nihil interest eam impleri, censetur solum verbis facta illi; re ipsa autem solum facta est tertio, in quem est exequenda. Nihilominus secundum communem ylum hominum, amicus pro amico ita stipulari solet, vt aliquam leuem obligationem pariat. Si tamen haec iuramento constringatur, non solum in foro conscientia obligat, sed etiam in foro ciuili tribuit actionem, vt pater ex dictis dubit. 4. Secùs vero quando stipulatio nihil valet: quia iuramentum secundum naturam actus, in quem cadit, accipendum est, atque actus habet tacitam conditionem, puta si validè acceptetur: ergo donec validè acceptatus fuerit, potest revocari, etiam si iuramentum intercesserit, vide suprà cap. 17. dubit. 7. num. 52. Circa prædicta.

Notandum Primò, Ut is qui præsens est, possit pro absente stipulari, (id est, promissionem in absentia commodum petere, & validè acceptare) remissione queri vt verba obligationis dirigantur expresse ad presentem implicitè ad præsentem. v. g. promitto tibi me tem diridaturum Petro 100. &c. Si enim dirigantur ad absensem, is qui præsens est non potest promissionem acceptare, quia illi non fit. Ita docet Couarruia ex communis sententia Doctorum, in cap. Quamvis pactum. p. 2. §. 4. n. 13. vnde si dicat, Promitto Petro absenti 100. nemo potest validè acceptare talen promissionem nomine Petri. Ratio est, quia vt hat pactum, necessarius est consensus reciprocus duorum in idem, vt patet ex pacti definitione dub. 1. hic autem non est consensus reciprocus, quia non adest consensus eius, in quem tuus consensus & verba tuae promissionis diriguntur. Itaque talis promissio temper potest revocari, quamvis ab eo, qui absens est, acceptata non fuerit.

Dixi, Expressè vel implicitè, quia dupliciter verba